



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

52. De prodigiis post mortem.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO LII.

De prodigijs in Christi morte factis.

Edita sunt ad clarificandum Christum, ad sceleris detestationem, ad effectus indicandos ex morte Christi proventuros.

PUNCTUM PRIMUM.

Velum templi scissum est in duas partes à summo usque deorsum. 1. sicut Caiphasset vestes, quòd Christus se dixisset Filium Dei, ita Pater æternus scidit, velut ad enorme facinus, quod crucifixus & occisus fuetit Christus, quod se ralem diceret. O Deus! sciude cor meum, ut sentiat tantæ rei indignitatem. 2. Quia per mortem Christi patebant arcana mysteria regni Dei, discussis umbris & figuris, atque via ad cælum aperiebatur. O accipiam ego lumen, ad illa intelligenda, & ad vivendum juxta illa!

Veli scissio quid notet. 1.

2.

PUNCTUM II.

Et terra mota est, & petra scissa sunt, & monumenta aperta sunt. Ad duritiem illius populi detestandam, quæ major esset, quam petrarum, & ad redarguendum me, qui non scindor, aut emollior à Christi passione, cum videam illum in cruce tremiscentem; & qui verè est petra, divisum per separationem spiritus à

Terræ commotio & scissio petrarum etc. 1.

K 2

cor-

corpore, & denique apertum, & hiantem vulneribus.

2. II. Significatur fore ut per Christi mortem terrena corda concutiantur, & quasi sepulchra mortuorum pateant ad sinceram culparum confessionem, sicque resurgant ad vitam gratiæ.

PUNCTUM III.

Centurio, & qui cum eo erant custodientes Jesum, his visis timuerunt valde, dicentes: Vere Filius Dei erat, & justus: & de turba, percutientes pectora sua revertebantur.

En effectus prodigiorum, nec non orationis Christi, qui pro illis oraverat in cruce: percutiam ego pectus, qui Christo causa extiti mortis meis peccatis.

MEDITATIO LIII.

De Lateris apertione.

PUNCTUM PRIMUM.

Judai rogaverunt Pilatum ut frangerentur crucifixorum crura, ne remaneret in cruce Sabbato. Non tam zelo religionis, quam quòd vellent Christum citò extinctum, novòque tormento affectum, sublatumque ex oculis plebis, quam videbant compunctam, visis prodigijs: scilicet Pharisei & Sacerdotes inde indura-